

19.07.2016

Inatsisartut suleriaasianni § 37 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Apeqqutit:

- 1. Tunumi qilaluartassat pillugit suliniutit sumut killippat?**
- 2. Qilalukkanik kisitsinissaq ulloq suna aallartinniarpa?**
- 3. Siorna piniartut neriorsorneqarnerat pisassat nungukkaangata qinnuteqaqqittarsinnaassasut qanoq piviusorsioertigiva?**
- 4. pisassat nungutsillugit qinnuteqartoqartillugu arlaleriarluni itigartitaasoqartarsimavoq. Apeqquteqaat nr. 3-mut sanilliullugu tamanna qanoq nassuiaatissaqarpa?**

(Inatsisartuni ilaasortaq Laura Táunâjik, Siumut)

Tunngavilersuut:

Piniartut pisassaminnik siorna neriorsorneqarput pisassat nungukkaangasa pisassat qulit pisassiunneqaqqissinnaasassasut, tamanna pisinnaasassasoq qinnuteqaqqinnikkut. Piniartut pisassa at nungukkaangata qinnuteqaqqittarnerat pisarsimavoq; assersuut 9. juni 2016 piniartut pisassamik qinnuteqaataat 20. Juni akineqarsimavoq itigartitsissutigineqarsimallunilu. Kingorna 22. juni 2016 ullulernerqarsimasumi misileqqillugu qinnuteqaqqissimagaluarput itigartitsissutigineqaqqittumik.

Maani tunumi annerusumik piniartut aningaasarsiorfissaqanngillat, tamanna atukkatigut inuuniarinnikkullu sakkortuumik artukkii voq. Tupinnangitsumik piniartunut pakatsinartuuvoq isumalluusaarneqariarlutik oqaasiinnaasumik timitaqanngitsumik pineqartutut pineqaqqinnerat.

Tunup imartaani qilalukkanik kisitsinissaq ukioq manna pinissaa neriorsuutigineqarnikuuvoq paasisakkalu naapertorlugit sulit tamanna ingerlanneqanngilaq.

Piniartut piniagassanik isiginnaartuuginnarnertik maannamut mamiasuutigeqaat. Nalitsinni niuertarfinni akit taamak qaffasitsigitillugit piniagassanillu tunineqarsinnaanatik, oqimaatigiinnginneq annertuallaqaaq. Naalakkersuisut ersarissumik pilersaarumminni piviusunngortissinnaasaminnik takutitsinnaasariaqarput. Inuit naammagittakatapput, piniartullu tusaaneqanngitsutut misigisimarnertat maannamut naammaginarunnaavissimavoq.

Kissaatigaara apeqqutima ullut suliffiusut qulit iluanni akineqarnissaat.